

**KOMISIJA ZA PRIPREMANJE PRIJEDLOGA ZA IZBOR JEDNOG SARADNIKA/ICE U ZVANJE VIŠI ASISTENT/ICA NA NAUČNOJ OBLASTI GRAĐANSKO PRAVO I GRAĐANSKO PROCESNO PRAVO**

Sarajevo, 30. 9. 2024.

UNIVERZITET U SARAJEVU  
PRAVNI FAKULTET

Broj: 01-1323/24

Datum; 1. 10. 2024 god.

**VIJEĆU UNIVERZITETA U SARAJEVU – PRAVNOG FAKULTETA**

**Predmet:** Izvještaj Komisije za pripremanje prijedloga za izbor jednog saradnika/ice u zvanje viši asistent/asistentica na naučnoj oblasti Građansko pravo i građansko procesno pravo

**Podaci o objavljenom konkursu i formiranju komisije**

**a)**

Univerzitet u Sarajevu – Pravni fakultet je na osnovu usvojenog Dinamičkog plana potreba za raspisivanjem konkursa za izbor u zvanja u akademskoj 2023/2024. godini (Odluka br. 01-1428/23 od 6.9.2023. godine i Odluka o izmjeni Odluke o usvajanju dinamičkog plana potreba Univerziteta u Sarajevu- Pravnog fakulteta za raspisivanjem konkursa za izbor u zvanje u akademskoj 2023/24. godini br. 01-1428/23 od 6.9.2023. godine br. 01-328-1/24 od 6.3.2024. godine), Odluke Senata Univerziteta u Sarajevu broj 01-9-134/24 od 29. 5. 2024. godine i Odluke o davanju saglasnosti za zapošljavanje na Univerzitetu u Sarajevu Vlade Kantona Sarajevo broj 02-04-39650-11/24 od 22. 8. 2024. godine, raspisao konkurs za izbor jednog saradnika/ice u zvanje viši asistent/ica na naučnoj oblasti Građansko pravo i građansko procesno pravo (dalje u tekstu: Konkurs), u skladu sa članom 121 Zakona o visokom obrazovanju (u daljem tekstu i kao: ZVO) („Službene novine Kantona Sarajevo“, broj 36/22), a u vezi sa članom 28 i 34 Okvirnog zakona o visokom obrazovanju („Službeni glasnik BiH“, broj 59/07 i 59/09).

Konkurs je objavljen 30. 8. 2024. godine u dnevnom listu “Dnevni Avaz”, i na internet stranicama Univerziteta u Sarajevu - Pravnog fakulteta (dalje u tekstu i: Fakultet) i Univerziteta u Sarajevu. Rok za podnošenje prijava na konkurs bio je 15 dana od dana objavljivanja.

**b)**

Odlukom Vijeća Univerziteta u Sarajevu – Pravnog fakulteta broj 01-1230-1/24 donesenoj na 69. (elektronskoj) sjednici održanoj 19. 9. 2024. godine, imenovana je Komisija za pripremanje prijedloga za izbor jednog saradnika/ice u zvanje viši asistent/ica na naučnoj oblasti Građansko pravo i građansko procesno pravo (dalje u tekstu: Komisija) u sastavu:

- Prof. dr. Abedin Bikić, redovni profesor Univerziteta u Sarajevu – Pravnog fakulteta na naučnoj oblasti Građansko pravo i građansko procesno pravo, predsjednik i član;
- Prof. dr. Meliha Povlakić, redovna profesorica Univerziteta u Sarajevu – Pravnog fakulteta na naučnoj oblasti Građansko pravo i građansko procesno pravo, članica;
- Prof. dr. Almedina Šabić Učanbarlić, vanredna profesorica Univerziteta u Sarajevu - Pravnog fakulteta na naučnoj oblasti Građansko pravo i građansko procesno pravo, članica.

Uz Odluku o imenovanju Komisija je zaprimila i Potvrdu stručne službe Fakulteta br. 01-1224-3/24 od 17. 9. 2024. godine o blagovremenosti pristiglih prijava i broju prijavljenih kandidata na Konkurs kojom je konstatovano, u skladu sa odredbama člana 255 Statuta Univerziteta u Sarajevu br. 01-14-35-1/23 od jula 2023. godine (u daljem tekstu: Statut), da su se na konkurs prijavila dva kandidata/kandidatkinje i da su sve prijave blagovremene. Komisija je konstituirajuću sjednicu održala 23. 9. 2024. godine, kojom prilikom je usvojila Poslovnik o radu Komisije za pripremanje prijedloga za izbor jednog saradnika/ice u zvanje viši asistent/ica na naučnoj oblasti Građansko pravo i građansko procesno pravo (u daljem tekstu: Poslovnik). Stručna služba Fakulteta Potvrdom o potpunosti (urednosti) prijava na konkurs za izbor jednog saradnika/ice u zvanje viši asistent/asistentica na naučnoj oblasti Građansko pravo i građansko procesno pravo broj 01-1292/24 od 24. 9. 2024. konstatirala je da su sve prijave potpune (uredne).

Prijave, hronološki, na Konkurs podnijele/i su sljedeći/e kandidati/kinje:

### **1. Nenad Cice**

### **2. Vesna Lazić Buljan**

Na osnovu Odluke o imenovanju Komisije zadatak Komisije je da podnese pisani Izvještaj sa prijedlogom za izbor jednog saradnika/ce Vijeću Fakulteta u skladu sa tekstom Konkursa.

Nakon što je razmotrila prijave i priloženu dokumentaciju prijavljenih kandidata/kinja, Komisija u skladu sa odredbama članova 112 i 124 Zakona o visokom obrazovanju Kantona Sarajevo, članova 227 i 236 Statuta i Poslovnika podnosi sljedeći

## **IZVJEŠTAJ**

U tekstu Konkursa je navedeno da za izbor u naučno-nastavno zvanje “viši asistent/ica” kandidat/kinja pored opštih zakonskih uslova treba da ispunjava i uslove iz člana 112 stav 2 tačka b) ZVO i članova 224-228 Statuta. Uz pisanu prijavu na Konkurs, sa spiskom

dostavljene dokumentacije, kandidati/kinje su bili dužni dostaviti sljedeće dokumente i dokaze: a) biografiju (CV) i spisak objavljenih naučnih/umjetničkih radova, naučna/umjetnička dostignuća i doprinos, b) dokumentaciju o nastavničkim sposobnostima, doprinosu procesu internacionalizacije i društvenom doprinosu, c) diplomu i drugu dokumentaciju o stečenom obrazovanju u originalu ili ovjerenoj fotokopiji, d) listu objavljenih knjiga, udžbenika i naučnih radova kao i same knjige i radove u originalu ili elektronskoj formi, e) podatke o eventualnim nagradama i priznanjima u vezi sa odgovarajućom naučnom/umjetničkom oblasti, ako ih posjeduje, f) dokaz o uspješno obavljenom mentorstvu kod izbora u odgovarajuće akademsko zvanje.

Komisija je razmatrala prijave redoslijedom kako su dostavljene na adresu Fakulteta.

#### **I) KANDIDAT NENAD CICE**

Kandidat Nenad Cice se prijavio na Konkurs 11. 9. 2024. Uz svojeručno potpisanu prijavu na Konkurs podnio je sljedeću dokumentaciju:

- Biografiju; (original)
- Diplomu Univerziteta u Sarajevu – Pravnog fakulteta o završenom studiju za sticanje visoke stručne spreme i stručnog naziva diplomirani pravnik od 18. 10. 2008 (ovjerena kopija);
- Uvjerenje Univerziteta u Sarajevu-Pravnog fakulteta o uspjehu na studiju (ovjerena kopija);
- Diploma II ciklusa studija – Europski regionalni magisterij iz demokracije i ljudskih prava u Jugoistočnoj Europi od 2. 11. 2009. godine izdata od strane Univerziteta u Sarajevu i Univerziteta u Bolonji (kopija sa original prijevodom stalnog sudskog tumača za engleski jezik);
- Potvrda o odslušanim predmetima i položenim ispitima na Europskom regionalnom magisteriju iz demokracije i ljudskih prava u Jugoistočnoj Europi iz novembra, 2009. godine (kopija sa original prijevodom stalnog sudskog tumača za engleski jezik);
- Uvjerenje o državljanstvu (ovjerena kopija);
- Izvod iz matične knjige rođenih (ovjerena kopija);
- Uvjerenje o položenom pravosudnom ispitu Federalnog ministarstva pravde od 16. 11. 2010. (ovjerena kopija);
- Uvjerenje o položenom advokatskom ispitu Advokatske/odvjetničke komore Federacije Bosne i Hercegovine od 26. 1. 2011. (ovjerena kopija);
- Uvjerenje o položenom stručnom upravnom ispitu za visoku školsku spremu Ministarstva pravde Bosne i Hercegovine od 7. 2. 2011. godine (ovjerena kopija);
- Uvjerenje Regionalne advokatske komore Sarajevo od 15. 7. 2011. godine (ovjerena kopija);
- Potvrda o zaposlenju u dioničkom društvu BH Telecom Sarajevo od 3. 9. 2024. godine (original);

- Potvrda o studiju Univerzitet u Beču od 21. 2. 2013. godine (kopija sa original prijevodom stalnog sudskog tumača za njemački jezik);
- Studijski list Univerziteta u Beču ljetni semestar 2013 od 21. 2. 2013. godine (kopija sa original prijevodom stalnog sudskog tumača za njemački jezik);
- Odluka o imenovanju komisije za ocjenu i odbranu projekta, radne verzije i doktorske disertacije za kandidata od 29. 1. 2020. godine (obična kopija);
- Certifikat Udruženja medijatora u BiH o završenoj obuci za medijatore, april 2011. godine (ovjerena kopija);
- Certifikat Udruženja medijatora u BiH o završenoj obuci za medijatore, juni 2011. godine (ovjerena kopija);
- Uvjerenja o poznavanju stranih jezika inostranih tijela za certifikaciju - International English Testing system za engleski jezik, Centre Andre Malraux za italijanski jezik, OSD za njemački jezik, Instituto Cervantes za španski jezik, uvjerenje za grčki jezik (obične kopije).

U koverti uz prijavu i prednje navedenu dokumentaciju se nalazio i usb, na kojem su dva dokumenta u word formatu – Prijava na konkurs i CV u elektronskoj formi.

Kandidat Nenad Cice je rođen 3. 10. 1983. u Trebinju. Državljanin je Bosne i Hercegovine.

Osnovno i srednje obrazovanje završio je u Sarajevu sa odličnim uspjehom (Ponos generacije). Pravni fakultet u Sarajevu je završio po predbolonjskom studijskom programu sa prosječnom ocjenom 8,96. Prosjek ocjena iz predmeta Katedre je 9,22.

4

Kandidat je II ciklus studija upisao u Centru za postdiplomske studija Univerziteta u Sarajevu. Ukupna ocjena u toku studija je bila 8/10, a završni rad pod naslovom „Rights of Foreigners and their Harmonization as the Better Way to Approach Judicial Protection: Case Study of Slovenian Treatment related to Citizenship of the Citizens of ex SFRY“ je ocijenjen ocjenom 9/10.

Nakon okončanja studija bio je zaposlen u advokatskom uredu, a od 2013. godine do danas radi u BH Telecom d.d. Trenutno radi na mjestu konsultanta za imovinsko pravne poslove i zastupanje. U potvrdi se navodi da kandidat obavlja poslove stručnog saradnika za pravne poslove radeći na poslovima stvarnopravnih i obligacionopravnih zahtjeva i sporova.

Godine 2013. je upisao doktorski studij iz pravnih znanosti na Univerzitetu u Beču o čemu podnosi dokaz. O daljem toku ovog studija nema dokaza, a sam kandidat navodi da je studij napustio iz privatnih razloga u fazi prijave doktorske disertacije. O tome, kao ni o eventualno položenim ispitima ne podnosi dokaze.

Godine 2018/19 je upisao III ciklus studija na Univerzitetu u Sarajevu-Pravnom fakultetu a u drugom semestru se opredijelio za građansko-pravni smjer. Kandidat dostavlja dokaz o imenovanju Komisije za ocjenu i odbranu projekta, radne verzije i doktorske disertacije od 29. 1. 2020. godine, a ističe da je u finalnoj fazi pripreme disertacije pod naslovom „Kontumacija u parničnom postupku“.

U svojoj biografiji, Kandidat navodi da je autor dva rada (oba objavljena u izdanjima postdiplomskog studija – EMRA), ali ih ne dostavlja: „Political culture as an essential part of democratic consolidation in the Republic of Serbia and Czech Republic (2008) i Political theory, the concept of fundamental freedom and the concept of positive and negative rights: case of the right to privacy and private property,, (2009).

## **II) KANDIDATKINJA VESNA LAZIĆ BULJAN**

Kandidatkinja Vesna Lazić Buljan se na Konkurs prijavila 13. 9. 2024. Uz svojeručno potpisanu prijavu na Konkurs je dostavila sljedeću dokumentaciju:

- biografiju (CV); (original)
- uvjerenje o državljanstvu; (ovjerena kopija)
- izvod iz matične knjige rođenih; (ovjerena kopija)
- potvrdu Univerziteta u Sarajevu-Pravnog fakulteta o učestvovanju u ostvarivanju dijela nastave na predmetima Obligaciono pravo I, Obligaciono pravo II i Pravna klinika iz Obligacionog prava na Pravnom fakultetu Univerziteta u Sarajevu u studijskoj 2018/2019 godini; (ovjerena kopija)
- certifikat o učešću na 2023 International Staff Training Week na NOVA Univerzitetu u Lisabonu; (ovjerena kopija)
- dopunu Liste arbitara Arbitražnog suda pri Vanjskotrgovinskoj/Spoljnotrgovinskoj komori Bosne i Hercegovine u predmetima u kojim bar jedna strana ima sjedište, odnosno boravište na području druge države; (ovjerena kopija)
- dopunu Liste arbitara Arbitražnog suda pri Vanjskotrgovinskoj/Spoljnotrgovinskoj komori Bosne i Hercegovine u predmetima u kojima obje strane ima sjedište, odnosno boravište na teritoriji Bosne i Hercegovine; (ovjerena kopija)
- listu stalnih edukatora CEST FBiH br. 05-34-33-04/23 od 23.1.2023. godine; (ovjerena kopija)
- Lista stručnjaka – predstavnici privrede i prakse Agencije za razvoj visokog obrazovanja i osiguranje kvaliteta Bosne i Hercegovine; (obična kopija)
- uvjerenje Regionalne advokatske/odvjetničke komore Sarajevo br. 1004/24 od 9.9.2024. godine; (original)
- odluke o učešću u različitim komisijama na Univerzitetu u Sarajevu i Univerzitetu u Sarajevu-Pravnom fakultetu: Odluka o formiranju Komisije za izradu stava Fakulteta u vezi sa „Prednacrtom Odluke o pripajanju fakulteta, akademija i naučnoistraživačkih

instituta Univerziteta u Sarajevu pravnom licu Javnoj ustanovi Univerzitet u Sarajevu“ br. 01-820/21 od 25.5.2021. godine, Odluka o formiranju Komisije za provođenje postupka prijema u radni odnos na upražnjena radna mjesta na Univerzitetu u Sarajevu-Pravnog fakulteta br. 01-879/21 od 3.6.2021. godine, Odluka o imenovanju Komisije za evaluaciju studijskog programa za II ciklus studija – Master univerzitetski studij prava iz marta 2018. godine br. 01-2230/21 od 22.11.2021. godine, Odluka o dopuni Odluke o imenovanju Etičkog odbora br. 01-2619/21 od 28.12.2021. godine, Odluka o izmjeni i dopuni Odluke Senata Univerziteta u Sarajevu br. 01-23-64/21 od 22.12.2021. godine sa pripadajućom izmjenom i dopunom br. 01-2-68/22 od 23.2.2022. godine (imenovanje Komisije Univerziteta za izradu prijedloga izmjena i dopuna Pravila za treći ciklus studija Univerziteta u Sarajevu), Odluka o izmjeni Odluke o imenovanju članova Odbora za normativna pitanja Univerziteta u Sarajevu br. 01-25-87/20 od 26.11.2020. godine sa pripadajućom izmjenom br. 01-4-130/22 od 30.3.2022. godine, Odluka o formiranju Komisije za provođenje postupka prijema u radni odnos na upražnjena radna mjesta na Univerzitetu u Sarajevu-Pravnog fakulteta br. 01-237/22 od 14.2.2022. godine, Odluka o imenovanju Organizacionog odbora VII Međunarodne konferencije Societas pro Iure Romano na opću temu *Provinciae* br. 01-240/22 od 14.2.2022. godine, Odluka o imenovanju Radne grupe za izradu prednacrta Jedinstvenog pravilnika o radu Univerziteta u Sarajevu br. 0101-2618/22 od 10.3.2022. godine, Odluka o imenovanju Organizacionog odbora okruglog stola pod naslovom: „Pravni okvir arbitraže u Bosni i Hercegovini: stanje i perspektive“ br. 01-833/22 od 21.4.2022. godine, Odluka o imenovanju Komisije za poslovne prostore Univerziteta u Sarajevu-Pravnog fakulteta br. 01-1340/22 od 13.7.2022. godine, Odluka o imenovanju Komisije za usklađivanje Statuta Univerziteta u Sarajevu sa Zakonom o visokom obrazovanju br. 01-13-109/22 od 28.9.2022. godine, Odluka o imenovanju Komisije za izradu plana integriteta Univerziteta u Sarajevu-Pravnog fakulteta br. 01-2164/22 od 17.11.2022. godine, Odluka o imenovanju Tima za samoevaluaciju Univerziteta u Sarajevu za reakreditaciju 2024. godine, br. 01-7-22/23 od 29.3.2023. godine, Odluka o izmjeni Odluke br. 01-1714/21 od 13.10.2021. godine o imenovanju Komisije za upis studenata na I ciklus studija br. 01-1036/23 od 7.6.2023. godine, Zaključak Senata Univerziteta u Sarajevu br. 01-15-23/23 od 27.9.2023. godine o utvrđivanju nacrta Pravilnika o radu Univerziteta u Sarajevu i Pravilnik o plaćama Univerziteta u Sarajevu i ovlaštenju Komisije za sačinjavanje prijedloga pravilnika, Odluka o imenovanju članova/ica Odbora za normativna pitanja

- Univerziteta u Sarajevu br. 01-16-13/23 od 11.10.2023. godine, Odluka o imenovanju Radne grupe za usklađivanje Pravilnika o radu Univerziteta u Sarajevu br. 0101-6118/24 od 3.6.2024. godine, Odluka o imenovanju Komisije za poslovne prostore Univerziteta u Sarajevu-Pravnog fakulteta br. 01-738/24 od 6.6.2024. godine, Odluka o imenovanju Radne grupe za realizaciju provođenja aktivnosti u okviru Projekta tekućeg održavanja i konzervatorsko-restauratorskih intervencija na objektu Palate pravde u Sarajevu br. 0101-7950/24 od 22.7.2024. godine; (obična kopija)
  - Odluku o imenovanju Tima za provedbu naučno-istraživačkog projekta pod nazivom „Autonomija Univerziteta u Sarajevu“ br. 0101-6019-1/24 od 10.06.2024. godine; (obična kopija)
  - diplomu i dodatak diplomi o stečenoj akademskoj tituli i stručnom zvanju Bakalaureat/Bachelor prava; (ovjerena kopija)
  - diplomu i dodatak diplomi o stečenoj akademskoj tituli i zvanju magistar prava; (ovjerena kopija)
  - diplomu i dodatak diplomi o stečenoj akademskoj tituli i naučnom zvanju doktor pravnih nauka/znanosti; (ovjerena kopija)
  - sertifikat o osposobljavanju za engleski jezik (B2 nivo programa za poslovni engleski jezik); (ovjerena kopija)
  - Sertifikat o poznavanju španskoj jezika Univerziteta u Valjadolidu (A1.1); (ovjerena kopija)
  - sertifikat o poznavanju rada na računaru; (ovjerena kopija)
  - uvjerenje o položenom pravosudnom ispitu pri Ministarstvu pravde BiH; (ovjerena kopija)
  - uvjerenje o položenom advokatskom/odvjetničkom ispitu pri Advokatskoj/Odvjetničkoj komori Federacije Bosne i Hercegovine; (ovjerena kopija)
  - listu objavljenih knjiga, udžbenika i naučnih radova kao i same knjige i radove u originalu ili elektronskoj formi:
1. Trivun, V., i Lazić Buljan, V., *Kompanijski sekretar*, praktikum, Revicon, 2024.
  2. Šabić Učanbarlić, A., i Lazić Buljan, V., *O nekim aspektima zaštite osiguranika kao potrošača u ugovoru o kasko osiguranju motornog vozila*, Godišnjak Pravnog fakulteta Univerziteta u Sarajevu, LXVI, 2023, str. 249 – 284.

3. Lazić, V., Grbo, Z., *Okvirni kriteriji za utvrđivanje visine odštete iz Zakona o obaveznim osiguranjima u saobraćaju FBiH. Zbornik radova Pravni i ekonomski izazovi u osiguranju u dinamičnom okruženju/Legal And Economic Challenges in Insurance in a Dynamic Environment*, Arandelovac, 2023, str. 170-188.
  4. Lazić, V., i Selman, L., Povezivanje prakse i visokog obrazovanja na Univerzitetu u Sarajevu: pravni okvir, izazovi i perspektive. *Pregled: časopis za društvena pitanja / Periodical for Social Issues*, (1), 2023, 143–158. dostupno na: <https://doi.org/10.48052/19865244.2023.1.143>
  5. Lazić, V., i Martinović, D., Regresni zahtjevi prema zaštitnom fondu: sporna primjena zakona. *Godišnjak Pravnog fakulteta u Sarajevu*, LXV, 2022, str. 333-346, dostupno na: <https://www.pfsa.unsa.ba/pf/wp-content/uploads/2023/01/Godi%C5%A1njak-verzija-za-web.pdf>
  6. Bikić, A., Lazić, V., Odgovornost za štetu prouzrokovanu povredom ugovora, Zbornik radova devetnaesto međunarodno savjetovanje, Aktualnog građanskog i trgovačkog zakonodavstva i pravne prakse, Neum, juni 2022. godine, str. 113 – 130; dostupno na: <https://pf.sum.ba/wp-content/uploads/2022/06/2022-8.clanak-cl.pdf>
  7. Lazić V., Zaštita trećih lica kroz institut zaštitnog fonda, *Godišnjak Pravnog fakulteta Univerziteta u Sarajevu*, LXIV-2021, str. 271-294, 2021 (ISSN 0581-7471); dostupno na: <https://www.pfsa.unsa.ba/pf/wp-content/uploads/2022/02/Godisnjak-PFSA-2021-za-web-14-02-2022.pdf>;
  8. Bikić, A., Lazić, V., Ugovorno isključenje ili ograničenje odgovornosti za štetu, *Pravni savjetnik, Časopis za pravnu i ekonomsku teoriju i praksu*, 10/V, 2016, str. 11 – 22;
- priznanje Zlatna značka Univerziteta u Sarajevu jednom od najboljih studenata prvog ciklusa studija Pravnog fakulteta Univerziteta u Sarajevu; (ovjerena kopija)
  - priznanje Zlatna značka Univerziteta u Sarajevu jednom od najboljih studenata prvog i drugog ciklusa studija Pravnog fakulteta Univerziteta u Sarajevu; (ovjerena kopija)

Kandidatkinja Vesna Lazić Buljan je rođena 15. 9. 1991. godine u Sarajevu. Državljanica je Bosne i Hercegovine.

Pravni fakultet Univerziteta u Sarajevu je upisala 2010. godine, gdje je diplomirala 2014. godine sa prosječnom ocjenom 9,51. Kandidatkinja je odlikovana Zlatnom značkom Univerziteta u Sarajevu, posebnim priznanjem koje joj je dodijeljeno kao jednoj od najboljih

studentica prvog ciklusa studija Pravnog fakulteta Univerziteta u Sarajevu. Prosjek ocjena iz predmeta Katedre je 9,66. Kandidatkinja se tokom dodiplomskog studija na svim studijskim godinama opredijelila za izborne predmete Katedre građanskog prava. Kandidatkinja je bila angažirana kao student demonstrator na predmetima Obligaciono pravo – opći dio, Obligaciono pravo – posebni dio i Pravna klinika iz Obligacionog prava, o čemu ne podnosi dokaz, ali je Komisiji ta činjenica vrlo dobro poznata.

Magistarski studij na Pravnom fakultetu Univerziteta u Sarajevu je okončala 2015. godine na Građansko-pravnom smjeru sa prosječnom ocjenom 10,00 odbranom magistarske teze pod naslovom „Ugovorna odgovornost za štetu“. Kandidatkinja je odlikovana Zlatnom značkom Univerziteta u Sarajevu, posebnim priznanjem koje joj je dodijeljeno kao jednoj od najboljih studentica prvog i drugog ciklusa studija Pravnog fakulteta Univerziteta u Sarajevu.

Nakon što je diplomirala na Pravnom fakultetu, kandidatkinja se zaposlila u advokatskoj kancelariji dr. sc. Almira Gagule, gdje je obavljala poslove advokatske pripravnice od novembra 2014. godine do jula 2017. godine. Godine 2017. je položila pravosudni ispit pri Ministarstvu pravde Bosne i Hercegovine, nakon čega u istoj advokatskoj kancelariji otpočinje raditi kao advokatska stručna saradnica, u periodu od jula 2017. godine do februara 2019. godine. Godine 2019. je položila advokatski ispit pri Federalnoj advokatskoj komori, nakon čega otpočinje samostalnu advokatsku praksu radeći kao advokatica u periodu od februara 2019. godine do januara 2021. godine. Od januara 2021. godine zaposlena je kao sekretar Univerziteta u Sarajevu-Pravnog fakulteta. Kandidatkinja o tome ne podnosi dokaz, ali Komisiji je poznato da se advokatska kancelarija u kojoj je radila kandidatkinja pretežno bavila građanskopravnim stvarima u najširem smislu riječi.

9

Kandidatkinja je doktorski studij pohađala na Pravnom fakultetu Univerziteta u Sarajevu. Nositeljica je stipendije u okviru projekta CLOSER radi dokorskog istraživačkog boravka na Univerzitetu Palacky, Pravnom fakultetu Olomouc, Češka Republika, 2021. godine. Naučno zvanje doktorice pravnih nauka stekla je ocjenom *summa cum laude* izradom i odbranom doktorske disertacije na temu „Naknada nematerijalne štete iz osnova osiguranja od autoodgovornosti“.

Kandidatkinja odlično govori engleski jezik (nivo B2), a služi se i španskim jezikom.

Kandidatkinja prilaže potvrdu Univerziteta u Sarajevu-Pravnog fakulteta od 15. 5. 2019. godine kojom se potvrđuje da je kao advokat, stručnjak iz prakse učestvovala u ostvarivanju dijela nastave na predmetima Obligaciono pravo I, Obligaciono pravo II i Pravna klinika iz Obligacionog prava na Pravnom fakultetu Univerziteta u Sarajevu u studijskoj 2018/2019. godini, što dokazuje njene nastavničke sposobnosti.

Kao dokaz procesu internacionalizacije kandidatkinja prilaže certifikat o učešću na 2023 International Staff Training Week na Nova Univerzitet u Lisabonu u periodu od 22. 5. – 26. 5. 2023. godine.

Kandidatkinja se nalazi na listi arbitara Arbitražnog suda pri Vanjskotrgovinskoj komori Bosne i Hercegovine u predmetima u kojim bar jedna strana ima sjedište odnosno boravište

na području druge države, kao i na listi arbitara Arbitražnog suda pri Vanjskotrgovinskoj komori Bosne i Hercegovine u predmetima u kojima obje strane imaju sjedište, odnosno boravište na teritoriji Bosne i Hercegovine. Kandidatkinja je stalna edukatorica Centra za edukaciju sudija i tužilaca Federacije Bosne i Hercegovine i jedan od stručnjaka – predstavnik privrede i prakse Agencije za razvoj visokog obrazovanja i osiguranja kvaliteta Bosne i Hercegovine. Kandidatkinja dostavlja dokaz o učešću u različitim komisijama na Univerzitetu u Sarajevu i Univerzitetu u Sarajevu-Pravnom fakultetu, kao i Odluku o učešću u naučno-istraživačkom projektu pod nazivom „Autonomija Univerziteta u Sarajevu“ što sve, zajedno sa prednje navedenim, govori o njenom društvenom doprinosu kao uslovu za izbor u naučno-nastavno zvanje koje se posebno vrednuje shodno ZVO i Statutu.

Kandidatkinja dostavlja dokaz o objavljenoj knjizi (praktikumu) u koautorstvu sa prof. dr. Veljkom Trivunom i 7 naučnih radova, kako je naprijed navedeno. Komisija neće posebno posebno analizirati i ocjenjivati radove, budući da objavljeni radovi nisu uvjet za izbor u zvanje viši asistent/ica, međutim, nesporno je da objavljivanje radova i prije izbora u akademsko zvanje govori o sklonosti kandidatkinje ka naučno-istraživačkom radu. Posebno se ističe da su objavljeni radovi kandidatkinje iz oblasti za koju se vrši izbor u zvanje, a neki od njih su objavljeni u časopisima koje prate referentne baze podataka.

### MIŠLJENJE I PRIJEDLOG KOMISIJE

10

Prilikom procjene ispunjenosti uslova za izbor u zvanje viši asistenta/ica, Komisija je, u skladu sa članom 112, stav 1 i 2 lit. a) ZVO KS na osnovu priloženih dokumenata i dokaza koji se nalaze uz prijavu kandidata/kinja vrednovala:

- (1) minimalne uslove za izbor u naučno-nastavna zvanja na visokoškolskoj ustanovi, a vezane za izbor u zvanje višeg asistenta: završen drugi ciklus studija ili njegov ekvivalent s najmanje 300 ECTS, 8 ili 3,5 ili VII stepen studija po predbolonjskom sistemu studija s najnižom prosječnom ocjenom 8 i
- (2) dodatne uslove od naročitog značaja vezane za naučnu oblast, kao npr.: prosječna ocjena iz predmeta naučne oblasti, usavršavanje u oblasti u kojoj se vrši izbor, tema završnog rada, demonstratura, poznavanje stranih jezika, učešće u projektima i sl., a u kontekstu uslova za izbor u naučno-nastavna zvanja na visokoškolskim ustanovama koji se definišu kroz četiri oblasti i to: naučna dostignuća i doprinos, nastavničke sposobnosti i doprinos, doprinos procesu internacionalizacije, te društveni doprinos.

## 1. Minimalni zakonom propisani uvjeti

- a) *Završen drugi ciklus studija ili njegov ekvivalent s najmanje 300 ECTS, 8 ili 3,5 ili VII stepen studija po predbolonjskom sistemu studija s najnižom prosječnom ocjenom 8*

Oba kandidata/kandidatkinje ispunjavaju uvjet da su završili/e drugi ciklus studija ili njegov ekvivalent s najmanje 300 ECTS, 8 ili 3,5 ili VII stepen studija po predbolonjskom sistemu studija s najnižom prosječnom ocjenom 8, odnosno II. ciklus studija.

### b) *Prosjeck ocjena*

U pogledu općeg prosjeka ocjena na II. ciklusu Komisija utvrđuje sljedeći redoslijed:

Vesna Lazić Buljan 10,00; Nenad Cice 8/10.

Komisija jednoglasno konstatira da oba prijavljena kandidata/kinje ispunjavaju minimalne uvjete za izbor u zvanje višeg asistenta propisane ZVO KS (član 112 stav 2 lit. b) viši asistent: završen drugi ciklus studija ili njegov ekvivalent s najmanje 300 ECTS, 8 ili 3,5 ili VII stepen studija po predbolonjskom sistemu studija s najnižom prosječnom ocjenom 8;

## 2. Dodatni uvjeti

11

Članom 112 stav 3 ZVO je predviđeno da će Statutom i općim aktom, a u skladu sa Smjernicama iz člana 116, visokoškolska ustanova utvrditi posebno vrednovanje za dodatne oblasti prilikom izbora u akademska zvanja, ali Smjernice ni navedeni opći akti Univerziteta nisu doneseni. Ipak član 112 stav 3 ZVO daje određene upute i okvir iz kojih je moguće procijeniti šta zakonodavac smatra relevantnim kod izbora u nastavnička zvanja kao što su: nastavničke sposobnosti, doprinos internacionalizaciji, društveni doprinos, pri čemu daje preciznije odrednice za pojedine kriterije. Komisija je cijnila tako propisane kriterije. Naravno, budući da se radi o prvom izboru u zvanje višeg asistenta, od kandidata/kandidatkinja nije moguće zahtijevati ispunjenje navedenih kriterija u potpunosti, ali je Komisija nastojala utvrditi da li postoji barem određena tendencija kada su pojedini kriteriji u pitanju.

### a) *Nastavničke sposobnosti*

Nije moguće ocjenjivati ovaj zakonski kriterij, ali Komisija konstatira da je kandidatkinja Vesna Lazić Buljan bila angažirana kao student-demonstrator, čime je stekla određeno iskustvo, ali i bila u stanju procijeniti da li ima afiniteta prema radu sa studentima/studenticama.

Kandidatkinja Vesna Lazić Buljan je kao advokat, stručnjak iz prakse učestvovala u ostvarivanju dijela nastave na predmetima naučne oblasti za koju se vrši izbor.

Kandidat Nenad Cice nema iskustvo demonstratora, kao ni iskustvo predavača.

U ovom segmentu Komisija daje prednost kandidatkinji Vesni Lazić Buljan.

#### ***b) Usavršavanje u oblasti u kojoj se vrši izbor***

Na prvom mjestu je Komisija u obzir uzela usmjerenje kandidata/kinja ka oblasti za koju se biraju, a čime pokazuju svoju sklonost specifičnosti naučnoj oblasti. Komisija smatra da se to usmjerenje može utvrditi, između ostalog, kroz izbor studija drugog ciklusa, izbor teme završnog rada, ali i odabirom izbornih predmeta. Ovdje je Komisija kod opredjeljenja za drugi ciklus cijenila izbor za oblasti inherentne Katedri građanskog prava, odnosno oblast Građanskog prava i građanskog procesnog prava za koju se izbor u zvanje vrši.

Oba kandidata/kandidatkinje su podnijeli/e dokaze o tome da su apsolvirali II. ciklus studija, a neki i upisali (Nenad Cice) ili apslovirali III. ciklus studija (Vesna Lazić Buljan), koja činjenica govori u prilog tome da posjeduju ambiciju i želju za daljim naučnim usavršavanjem.

12

Kandidatkinja Vesna Lazić Buljan je završila II. ciklus na Katedri građanskog prava odbranivši magistarsku tezu na temu Ugovorna odgovornost za štetu. Tema ovoga rada ima najneposredniju vezu sa predmetima naučne oblasti za koju se vrši izbor.

Kandidat Nenad Cice nije se opredijelio za Katedru građanskog prava na II. ciklusu studija, nego za Europski regionalni magisterij iz demokratije i ljudskih prava u Jugoistočnoj Europi. Međutim, kandidat Nenad Cice se opredijelio za Katedru građanskog prava na III. ciklusu studija, o čemu svjedoči i Odluka o formiranoj komisiji za ocjenu i odbranu projekta, radne verzije i doktorske disertacije pod naslovom „Kontumacija u parničnom postupku“.

Iako se kod oba kandidata/kinje može uočiti sklonost ka Katedri građanskog prava, ipak u ovom segmentu Komisija daje prednost kandidatkinji Vesni Lazić Buljan, zbog stalnog opredjeljenja i sklonosti ka predmetima Katedre građanskog prava, o čemu posebno govori činjenica odbrane magistarske teze i doktorske disertacije koje su najuže povezane sa predmetima naučne oblasti za koju se vrši izbor.

#### ***c) Društveni doprinos***

ZVO propisuje da društveni doprinos obuhvata: **priznanja i nagrade dobijene od šire društvene zajednice ili visokoškolske ustanove; učešće u savjetodavnim tijelima institucija od šireg društvenog značaja; učešće u nadležnim**

tijelima/komisijama/grupama/savjetima koje rade na jačanju, **planiranju i unapređenju svih procesa u okviru visokoškolskih ustanova; rad na realizaciji aktivnosti vezanih za unapređenje institucije i razvoj zajednice;** učešće u izdavačkom/uređivačkom odboru domaćih časopisa; zbornika radova i monografija; **organizacionom i naučnom odboru domaćih konferencija; savjetovanja; okruglih stolova;** recenzija naučnih radova; knjiga i monografija; rad na oblikovanju javnih politika; konsultantski rad za zajednicu; **volonterski rad za visokoškolsku ustanovu i zajednicu;** rad na razvojnim projektima; učešće u inicijativama vezanim za ostvarenje globalnih ciljeva održivog razvoja.

Boldirano je ono što bi moglo biti primjenjivo na izbor višeg asistenta. Budući da se radi o izboru u drugo akademsko zvanje, čitav niz navedenih zahtjeva nije moguće ispuniti, ali određene aktivnosti kandidata/kandidatkinja upućuju na to da su neki kriteriji ispunjeni iako se radi o osobama koje bi tek trebale započeti akademsku karijeru.

Kandidatkinja Vesna Lazić Buljan je dvostruka nositeljica Zlatne značke Univerziteta u Sarajevu, koje joj je dodijeljeno nakon okončanog dodiplomskog studija kao jednoj od najboljih studentica prvog ciklusa studija i nakon okončanog II. ciklusa studija, kao jednoj od najboljih studentica prvog i drugog ciklusa studija, što dokazuje društveni doprinos kroz priznanja dobivena od visokoškolske ustanove. Kandidat Nenad Cice nije dobitnik posebnog priznanja Univerziteta u Sarajevu, ali je srednje obrazovanje u Prvoj Gimnaziji Sarajevo 2004. godine završio kao učenik – ponos generacije.

Kandidatkinja Vesna Lazić Buljan se nalazi na listi arbitara Arbitražnog suda pri Vanjskotrgovinskoj komori Bosne i Hercegovine u predmetima u kojim bar jedna strana ima sjedište odnosno boravište na području druge države, kao i na listi arbitara Arbitražnog suda pri Vanjskotrgovinskoj komori Bosne i Hercegovine u predmetima u kojima obje strane imaju sjedište, odnosno boravište na teritoriji Bosne i Hercegovine. Kandidatkinja je stalna edukatorica Centra za edukaciju sudija i tužilaca Federacije Bosne i Hercegovine i jedan od stručnjaka – predstavnik privrede i prakse Agencije za razvoj visokog obrazovanja i osiguranja kvaliteta Bosne i Hercegovine. Kandidatkinja dostavlja dokaz o učešću u različitim komisijama na Univerzitetu u Sarajevu i Univerzitetu u Sarajevu-Pravnom fakultetu, što dokazuje njeno učešće u tijelima i komisijama koje rade na jačanju, planiranju i unapređenju procesa u okviru visokoškolske ustanove, kao i učešće u organizacionim odborima domaćih konferencija i okruglih stolova. Kandidatkinja dostavlja Odluku o učešću u naučno-istraživačkom projektu pod nazivom „Autonomija Univerziteta u Sarajevu“. Kandidatkinja navodi u biografiji da je organizirala i učestvovala na naučnim skupovima, konferencijama i okruglim stolovima: Okrugli sto „Ugovor o osiguranju – postoji li idealno?“, moderatorica i uvodničarka okruglog stola, Pravni fakultet Univerziteta u Sarajevu, novembar 2023, Okrugli sto „45 godina Zakona o obligacionim odnosima u Bosni i Hercegovini: stanje i reformske perspektive“, Pravni fakultet Univerziteta u Sarajevu, septembar 2023, izlaganje na temu: „Da li je potrebna reforma odredbi ugovora o osiguranju?“, Konferencija „Dani osiguranja 2023“, Sarajevo, septembar 2023., izlaganje na temu: „Da li različita zakonska regulativa doprinosi pravnoj (ne)sigurnosti“, Konferencija „Dani osiguranja 2022“, Sarajevo, septembar 2022., izlaganje na temu „Okvirni kriteriji za odmjerenje visine odštete prema Zakonu o obaveznim osiguranjima u saobraćaju“ što sve, zajedno sa prednje navedenim, govori o

njenom društvenom doprinosu kao uslovu za izbor u naučno-nastavno zvanje koje se posebno vrednuje shodno ZVO i Statutu.

Kada je u pitanju društveni doprinos, na osnovu ovdje navedenog se prednost daje kandidatkinji Vesni Lazić Buljan u odnosu na kandidata Cice Nenada.

#### *d) Doprinos procesu internacionalizacije*

**Prema članu 112 stav 3 lit. b) ZVO doprinos procesu internacionalizacije obuhvata međunarodnu mobilnost; učešće u radu tijela koja se bave procesom internacionalizacije na visokoškolskoj ustanovi; učešće u aktivnosti Strategije internacionalizacije visokoškolske ustanove; učešće u kreiranju i realizaciji cikličnog; necikličnih studijskog programa; ljetnoj/zimskoj školi; mikroakreditivima održanim i na stranom jeziku za strane i domaće studente; prestižnim međunarodnim konferencijama; učešće u uređivačkim odborima međunarodnih časopisa; naučnim i organizacionim odborima međunarodnih konferencija; recenziranju međunarodnih projekata ili međunarodnih naučnih radova ili knjiga/monografija izdanih na stranim jezicima; učešće u radu međunarodnih stručnih/naučnih asocijacija/inicijativa/konzorcija/komisija; učešće u međunarodnim projektnim timovima ili međunarodnim naučnim/profesionalnim mrežama; uređivačkom odboru međunarodnih časopisa; komisijama za izbor na inostranim visokoškolskim ustanovama; mentorstvima na inostranim visokoškolskim institucijama; realizacija gostujućih predavanja na međunarodnim konferencijama; visokoškolskim institucijama; i međunarodnim udruženjima/asocijacijama.**

14

Boldirano je ono što bi moglo biti primjenjivo na izbor višeg asistenta/ice. Budući da se radi o izboru u drugo akademsko zvanje, čitav niz navedenih zahtjeva nije moguće ispuniti, ali određene aktivnosti kandidata/kandidatkinja upućuju na to da su neki kriteriji ispunjeni iako se radi o osobama koje bi tek trebale započeti akademsku karijeru.

Kandidatkinja Vesna Lazić Buljan je nositeljica stipendije u okviru projekta CLOSER radi doktorskog istraživačkog boravka 2021. godine. Učestvovala je u programu međunarodne razmjene Erasmus+ Credit Mobility KA107- International Credit Mobility na Nova Univerzitetu u Lisabonu, Portugal, 2023. godine i Erasmus+ KA171 -STT - Staff Training Week – Spanish Course A1, Univerzitet u Valjadolidu, Španija, 2024. godine, što govori ispunjenosti uslova doprinosa procesu internacionalizacije kao uslovu za izbor u naučno-nastavno zvanje koje se posebno vrednuje shodno ZVO i Statutu.

Kandidat Nenad Cice ne dostavlja dokaz o doprinosu procesu internacionalizacije, ali u biografiji navodi da je tokom stručnog i akademskog usavršavanja učestvovao i izlagao na mnogim naučnim skupovima, od kojih je izdvojio: Diritto civile privato (Univerzitet u Bolonji – Centar za srednjoevropske i balkanske studije, septembar 2009) predavač i učesnik, Privatno pravni aspekti međunarodnog prava (Univerzitet u Beogradu, juni 2011. godine) učesnik, Reforma izvršnog postupka u Federaciji BiH (Visoko sudsko i tužilačko vijeće BiH, Sarajevo, maj 2016. godine), predavač i učesnik, Regionalna konferencija Vijeća Evrope na temu „The effective use of national remedies in domestic legal proceedings“ (Univerzitet u

Zagrebu, 2015. godine), učesnik, što govori o doprinosu procesu internacionalizacije kao uslovu za izbor u naučno-nastavno zvanje koje se posebno vrednuje shodno ZVO i Statutu.

U odnosu na doprinos procesu internacionalizacije, Komisija daje prednost kandidatkinji Vesni Lazić Buljan u odnosu na kandidata Cice Nenada.

Komisija je takođe cijenila i poznavanje stranih jezika Kandidata/kinja. Kandidat Nenad Cice u biografiji navodi da tečno govori osam stranih jezika (engleski, francuski, njemački, italijanski, španski, grčki, portugalski i ruski) uz napomenu da ruski i portugalski jezik ne posjeduje međunarodnu certifikaciju, od čega dostavlja dokaze u običnoj kopiji i na stranim jezicima za engleski, italijanski, njemački, španski i grčki. Kandidatkinja Vesna Lazić Buljan dostavlja dokaz (certifikat) o znanju engleskog i španskog jezika. U ovom segmentu Komisija daje prednost kandidatu Cice Nenadu u odnosu na kandidatkinju Vesnu Lazić Buljan.

\*  
\*   \*

Komisija konstatira da su se na Konkurs prijavila dva kandidata/kandidatkinje od kojih oba ispunjavaju propisane uvjete u pogledu stečenog zvanja i prosjeka ocjena. Komisija polazi od toga da su minimalni uvjeti propisani zakonom završen drugi ciklus studija (uz ostvareni prosjek ocjena) i nije *a priori* dala prednost kandidatima sa završenim III. ciklusom (ili upisanim III. ciklusom), već je prije tražila opredjeljenja za naučni rad i to u oblasti Građanskog prava i građanskog procesnog prava za koju naučnu oblast se izbor vrši.

15

Komparirajući prijave kandidata/kinja i valorizirajući njihove kvalifikacije, intelektualnu radoznalost i afinitet po svim kriterijima koje je Komisija u kontekstu uslova propisanih ZVO-om smatrala relevantnim (prosijek ocjena, izborne predmete, usmjerenje na II. ciklusu studija, nastavnički doprinos, društveni doprinos i doprinos procesu internacionalizacije) Komisija je, u pogledu usmjerenja na II. ciklusu studija, izbornih predmeta, nastavničkog doprinosa i doprinosa procesu internacionalizacije, dala prednost kandidatkinji Vesni Lazić Buljan u odnosu na drugog Kandidata. Odabir opcionih predmeta tokom studija na I. ciklusu i smjera na II. ciklusu (demokracija i ljudska prava) kandidata Cice Nenada ukazuje da je njegov interes i težište dosadašnjeg (naučnog) rada van oblasti građanskog prava, odnosno oblasti Građanskog prava i građanskog procesnog prava za koju se vrši izbor, a što Komisija cijeni kao odlučujuće i čemu daje specifičnu težinu.

Na osnovu navedenog Komisija


P R E D L A Ž E

Vijeću Univerziteta u Sarajevu – Pravnog fakulteta da usvoji ovaj Izvještaj i utvrdi prijedlog za izbor kandidatkinje **Vesne Lazić Buljan** u naučno-nastavno zvanje više asistentice za naučnu oblast Građansko pravo i građansko procesno pravo.


Komisija:



Prof. dr. Abedin Bikić



Prof. dr. Meliha Poveljak



Prof. dr. Almedina Šabić Učanbarlić